

پازار ایرتسی فی ۲۰ ربیع الاخر ۱۳۳۰

وفی ۲۶ مارت ۱۳۲۸ سنه

|| جمعیت علمیہ اسلامیہ نک ناشر افکاریدر ||

مدیر مسئول	سر محرر :	صاحب امتیاز :
مکتب قضاة معاملرندن	فاتح مجیز درس عاملرندن	فاتح مجیز درس عاملرندن
کایسلی	توقادلی	نصوح افندی زاده
منیر	مصطفی صبری	مصطفی عاصم

مندرجات

م . عاطف	بر محمد طاسلاغی
ابن الرحی	اسلامده حاکم
احمدنجائی	جرمدن سکوت
محمد عاطف	مدنیت شرعیہ
طاہر المولوی	شام فتوحاتی
صادق خلوصی	اسکچہ انتخابانده قبادای ادہم روحی
ادبیات	
عباس لطفی	جہاد مقدس
ع . طیار	ادبی باغچہ لر سکوت نہ دیمکدر؟
	» » هنر نہ دیمکدر؟
متفرقه	
	اجمال حوادث — زوالی فاس!!
	مصر قاضیلغی

اعلان

نسخہ سی ۱ غروش

آبونہ اجرتی (پوسٹہ اجرتیہ برابر در)

مالک اجنبیہ ایچون :
۱۳۰۰ فرانکی
» ۶,۵۰

استانبول وولایات ایچون :
بر سنہ لکی ۵۰ غروش
آلی ایلغی ۲۵ »

درج اولنیمان اوراق اعاده ایدلمز

قارئلر مزہ

اکثر مقالاتہ آیات کریمہ واحادیث نبویہ درج ایدلمش بولندینی نظراعتبارہ آلہرق رعایتسرلکده بولنامامسی رجا اولنور .

[نوسبع طباعت] محمد حلمی وشرکاسی عدلیہ خانی نومرو ۱۹

« جرمدن سکوت اشتراک جرمدن »

مطبوعات ، تنویر افکار ایچون بر واسطہٴ یکانہ .
 وحالاً واستقبلاً ترقیات مدنیہی احضار وارانہ خصوصندہ
 پک بیوک عامل مؤثر اولدینی رھین مرتبہ ثبوت حقایق
 جملہ سندن اولدیغنه بناءً جرائد یومیہیہ عطف نظر
 ایتمکسزین کچہ من ایسہ مدہ نہ کبی بر مساک سخیف تعقیب
 ایتمدیکی وارستہ قید و اشتباہ بولان . وقارئینہ بادی
 ومعنوی ایقاع ضرردن بشقہ ہیچ بر لطفی (۴) مشاہدہ ایدلمیان
 بالقان جریدہٴ محترمہ سنک (۴) . . سموم نشریاتی ایله تسمم ،
 وختم انفاس مدنیہ تہلکہ قطعیه سندن بغایت اجتناب ایدر ایدم .
 نہ چارہ کہ جریدہٴ مذکورہ سنک فی ۱۱ مارت سنہ ۳۲۸
 تاریخی و ۱۶۰۱ نومرولی نسخہ سندن « عالم اسلام ماتملرہ
 کیرسین » سرلوحہ لی و « ابن الرشاد مدحت کمال » امضالی
 سر مقالہ نک ساوور مقدمہ اولدینی غیر قابل تاویل کفر لر .
 ہذا نلر ، بعض منتسبینی طرفندن رسیدہ سامعہم اولمغہ
 آرتق جبر نفس ایدہ میہ رک ، مقالہٴ مذکورہیہ طوغری
 ولو کرہاً اولسون بر کرہ قلب حصدقہیہ ، وقتمک ناجیز
 بر جزئی بو اوغورده فدا ایتمک سماحتہ مجبوریہ حس
 ایدم صاحب مقالہ ہرنہدن ایسہ کندیمی ایچون بروظیفہٴ
 مقدسہ ! بیلدیکی تکفیر وتشذیعہ برصوت بلند ایله آغاز
 ایدرک اولاً بیانات شرعیہ و سیاسیہ سی ایله افکار ملتی
 تنویر و بتون عالم اسلامی کندیسنه متدار ایدن (بیان الحق)
 جریدہٴ محترمہ سنی سنک تعرضہ اتخاذ هدف و بتون علماء
 اسلامیہی بی پروا تکفیر و تشذیع مدعو کرہ جلوس عرش
 اجہاد ایله اجہاد اتہ ؟ قویلہرق — ہر شیدن اول خانہ
 وطنی استیلاء اعدادن محافظہ واجب الامثال بر مأمور بہ
 اولدیغنه نظر آ — قربان وحج بدلاری اعانہ بحریہ و یرمک
 واجب اولدیغنی ناطق فتوای مجتہد فہنی امضا ایله ذات
 عالی مجتہدانہ لرخی ؛ تقلید ایدن مفتیٰ منجملرک جالس سریر
 امر افنا اولمہ لر ی تمنیات خالصہ سنی ؛ درمیان ایدرک ذروہٴ

رفیعہ ہدایتدن . قمر وادی ضلالتہ مسکومہ اوچدیعی
 انظار عامدیہ وضع ایدیور . قربان وحج بدلاری
 بحریہیہ ترک ایله فائدہٴ مطلوبہ حصولہ کلہ میہ چکی و مدہ
 شرمندن عرض ایتسام ایدن شمس ہدایت . کردہ افکار
 غرب ایله معروض کسوف اولمہ دقہ مأوی انوار ایمان
 اولان قلوب مسلمینک الہ کوچک زاویہ سندن بیلہ بو کی
 افکار سقیمہ نک جای قرار بولہ میہ جنی بدیی اولدیعی
 کی . اساساً مسئلہ نک جہت شرعیہ سی فتوا خانہ عالی و بعض ارباب
 اختصاص طرفندن لزومندن زیادہ حل و تشریح ایدلیدیکی
 جہتہ ، بو خصوصہ اجاہٴ قم تحصیل الحاصل و اعلام معنویہ
 کبی امر محالی مستلزم اولدیغندن یالکز عنان افکاری
 صاحب مقالہ نک نقطہٴ انمادیسہ توصیہ و مسئلہٴ مذکورہ
 علاقہ دارانی ایچون تعیین وظائف ضمیمندہ بعض مطالبات
 درمیان ایدہ حکم صاحب مقالہ نک ادعائی وجہلہ . انتخاب
 زمانہ موافق بر صورتہ اکتساب قوہٴ مادیہیہ سعی و اجہاد
 و بلاد اسلامیہی ایدی اعدادن محافظہ و توسیعہ دائرہ
 نصوص و اوامر قطعیه موجود ایسہ مدہ . بز شرقلیلر دین
 مبین ایله متدین اولدیغمز جہتہ قوہٴ معنویہ انضمام ایتمکسزین
 صرف قوہٴ مادیہیہ تمک ایله تأمین مظنریہ خارج
 امکان اولدیغندن امر محافظہٴ وطن معروض مشکل
 اولہ جنی کبی اساساً محافظہٴ وطن اوزرنہ ترتب ایدہ جمل
 علت غائیہ محافظہٴ دین و تکثیر افراد مسلمین اولدیغندن
 — وسائط مشروعہٴ سارندن موجودیہ رغبہ — رکن دینی
 ہدم ایله سد نفور تدبیر سزکنی اختیار ایدر ایسہ اعزازی
 دیندن اول کندیمز شرف دینی باقبال ایدہ حکم و وجہٴ برتہ
 تعقیب ایتمدی کمز غایہدن بعید قالہ جعمر وارستہ قید و استباہدر
 قوہٴ معنویہ نک درجہٴ اہمیتی تقدیر ایچون صفحات حربہ
 ولور کرہ اولسون توجہ لحاظ افکار کافی دکنی ایتمایا
 قوہٴ مادیہٴ فوق العادہ ایله مجهز اولدقلمی حلدہ زیر وی
 توحیددہ مجتمع و قوہٴ معنویہٴ اسلامیہی حامل عربار و عسکر
 عثمانیہ نک شجاعت و بہادرت خدا پسندانہ لر ی قارشوسندنہ

دائماً زبون و مغلوب اولدقلری و سریع آتشلی طرپلرینک
زیر حمایه سندن بر خطوہ بیله ایلر بیله مدکلری سببیه جمعیت
اسلامیه ده مرکوز اوقوۂ خفیه ک نصل بر عامل نصل بر
مؤثر اولدیفنی اجنبیلر بیله تقدیر ایتش ایکن عجبا بزم
افکار منوره ؟ اصحابی تقدیر ایدم مدیمی صاحب مقاله
اجتهادات جدیدیه قیام ایتکدن ایسه مسائل مجتهد فیاده
تعمیق نظر ایتسه ایدی ظن ایدرم شو دوشدیک کربوۂ
خطادن تخلیص نفس ایدم بیلردی . علاقہ دارانه کلنجہ ا ک
اول مسائل شرعیه ایله علاقہ دار اولان فتوا خانۂ عالینک
و بالجله مسائل عالیہ اصحابنک بو کبی غیر مشروع نشریات
قارشوسنده ساکتانه بر طور آلمهلری صامثانه بر
خط حرکت تعقیب ایتلری - معرض حاجتده سکوت
اقراردر . قضیه سنه نظراً - نشریات واقعیه تصدیقی
استلزام ایتدیکندن بوحال اسف اشتمال قارشوسنده متحیر و متأثر
اولماق طوغریبی یا ! الدن کلیور بزامید ایدر ایدک که بوصف
اکار . اسلافی کبی اوصاف جمیلہ ک مهمی ا ک موثری
بولنان ثبات و استقامتی کندیلرینه رهبر انخاذا ایدر ک و هیچ
بر قوتنک تحت تأثیرنده اولمیه رق مخائف شرع قویم اولان
احوالی همان دقیقه سنده پروتستو ایتسونلر مرجع عائدنک
نظر دقتی جاب ایتسونلر و دیعۂ تبلیغی افاده قصور ایتسونلر
ایشته بز بو خلاف مأمول حرکات قارشوسنده خیلی تحیر
و تأملدن صوکره . مقاله مذکورده مشار الیهمک معظوف
انظارای اولمیدیفنه قائل اولدق اکر بو حسن ظنده خطا
ایتدک ایسه مشار الیهم ائی بیلمیدر لر که جرمدن سکوت
اشترک جرمدر .

فتح در سماع لرندن آلا شیری

احمد نجاتی

مدنیات شرعیه

مأخذ

ه (ما من عبد ولا لله امر رعیته فنههم ولم یشفق الا

حرم الله علیه الجنة = جناب حق امور عبادہ بر کیمسه نی
والی قیلوبده او کیمسه رعیه حقنده مرحمت و شفقت
کوسترمیوب آنلره ظلم و خیانت ایدر سه جناب حق او کیمسه
ایچون جنته دخولی حرام قلا ر) .

و (من ولی امر جماعۃ من المسلمین ولم یحفظهم حفظه
اهل بیتہ فقد تبوأ مقعده من النار = بر کیمسه مسلمیندن
بر جماعتک اموریسنه والی اولوبده کندی اولاد و عیالی ،
احبا و اوداسنی حفظ و حمایه ایلدیک کبی انلری کحفظ
وصیات ایتزسه او کیمسه نار جحیمدن ، جهنمدن اوتورده جفی
محلی محقق حاضر لامش اولور) .

و (سیکون من بعدی امراء یکذبون و یظلمون فمن
صدق یکذبهم و اعانهم علی ظلمهم فلیس منی و لست منه
ولم یرد علی الخوض = بندن صکره یقین زمانده بر طاقم امرا
کلیر که یلان سویلر لر ، ظلم ایدر لر ، هر کیم آنلرک یالانلری
تصدیق ایدر و اجرا ایلدکلری ظلم اوزرینه انلره اعانده
بولنور سه او بنم اتمدن دکدر بنده آنک پیغمبری دکم .
وهم او آدم یوم قیامتده بنم حوضمه کله من زیر ا ملکرا و
کبی کیمسه لری حوضدن منع و طرد ایدر لر) .

و (من دعا لظالم بالبقاء فقد احب ان یعصى الله فی
ارضه = بر کیمسه ظالمک بقاسنه و عمرینک ازدیادینه دعا
ایدر سه آنک یر یوزنده جناب حق تعالیه عصیان ایلسنه
راضی اولمش دیمکدر . ظلمه رضا ایسه اوده ظلمدر) .
ایشته بو عرض اولنان احادیث شریفه دین مبین اسلام
نظرنده ظالمک صو ک درجه مذموم و مردود و ظالمک لسان
شریعتله ملعون اولدیفنه دلالت ایلدکلری کبی اوچنجه حدیث
شریف اولیای امور کندیسبله . اولاد و عیالیله سائر ناسی
معامله ده مساوی طو متق واجب اولدیفنه ، دردنجی حدیث
شریفده ظالمک یالدر لری یالانلری تصدیق و ظلمده آباره
اعانه و یاردیم ایتک نظر شریعتده غایت چیرکین و حرام
اولدیفنه ، بشنجی حدیث شریف دخی ظالمک عمرینک ازدیادبله
دعا اصلا جائز اولمیوب حرام اولدیفنه دلالت ایتکده در .